

**614**

Na osnovu članova 24. i 26. Zakona o cestovnom prijevozu Federacije Bosne i Hercegovine („Službene novine Federacije Bosne i Hercegovine“, broj: 28/06 i 2/10), člana 8. Pravilnika o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra („Službene novine Federacije Bosne i Hercegovine“, broj: 79/13, 91/14, 98/14 i 84/15) i Rješenja ministra privrede, broj 06-27-804/19 od 6. maja 2019. godine, ministar privrede Srednjobosanskog kantona raspisuje

**J A V N I   P O Z I V**  
**Z A D O S T A V L J A N J E**  
**R E G I S T R O V A N I H   V O Z N I H   R E D O V A**  
**N A   K A N T O N A L N I M   A U T O B U S N I M   L I N I J A M A**  
**U S A G L A Š E N I H   S   D A L J I N A R O M**  
**I   M I N I M A L N I M   V R E M E N I M A   V O Ž N J E**

1. Pozivaju se prijevoznici zainteresovani za predstojeći postupak usklađivanja voznih redova kantonalnih autobusnih linija za period 2019. – 2022. godine, koji posjeduju registrovan vozni red kantonalnog ranga, da vozni red usaglase s

Pravilnikom o načinu, kriterijima i postupku za određivanje daljinara i minimalnih vremena vožnje („Službene novine Federacije Bosne i Hercegovine“, broj: 65/07, 33/11, 57/12, 65/12, 88/13, 91/14, 23/15 i 32/18).

2. Dio Daljinara i minimalnih vremena vožnje za autobusne linije u Federaciji Bosne i Hercegovine (područje Srednjobosanskog kantona) – u dalnjem tekstu: Daljinar i minimalna vremena vožnje, iz „Službenih novina Srednjobosanskog kantona“ broj: 6/20 i 7/20, prijevoznici mogu preuzeti sa službene internetske stranice Vlade Srednjobosanskog kantona (u dalnjem tekstu: Vlada Kantona): [www.sbk-ksb.gov.ba](http://www.sbk-ksb.gov.ba)

3. Vozni redovi iz tačke 1. ovog javnog poziva usklađeni s Daljinarom i minimalnim vremenima vožnje koristit će se za postupak usklađivanja voznih redova kantonalnih autobusnih linija, i potrebno ih je dostaviti Ministarstvu privrede Srednjobosanskog kantona, u elektronskom obliku, na računarskom programu za obradu tabela (Microsoft Excel), na elektronskom mediju [USB (memory) stick] prema Prilogu 3 Pravilnika o kriterijima, postupku i načinu usklađivanja, registracije i ovjere redova vožnje te sadržaju i načinu vođenja registra.

4. Elektronski medij iz tačke 3. ovog javnog poziva ostati će pohranjen u arhivi Ministarstva privrede Srednjobosanskog kantona.

5. Tumačenje, ministra privrede, za usaglašavanje registrovanih voznih redova na kantonalnim autobusnim linijama s Daljinarom i minimalnim vremenima vožnje za autobusne linije u Federaciji Bosne i Hercegovine (područje Srednjobosanskog kantona) i elektronska verzija tabela Daljinara i minimalnih vremena vožnje za kantonalne autobusne linije bit će danom objave ovog javnog poziva u „Službenim novinama Srednjobosanskog kantona“ istaknuti na službenoj internetskoj stranici Vlade Kantona: [www.sbk-ksb.gov.ba](http://www.sbk-ksb.gov.ba)

6. Postupak iz ovog javnog poziva besplatan je i podliježe provjeri od Komisije za usklađivanje kantonalnih autobusnih voznih redova za linijski prijevoz putnika u Srednjobosanskom kantonu za period 2019. – 2022. godine.

7. Registrovani vozni redovi usaglašeni s Daljinarom i minimalnim vremenima vožnje na način propisan Pravilnikom o načinu, kriterijima i postupku za određivanje daljinara i minimalnih vremena vožnje i Tumačenjem iz tačke 5. ovog javnog poziva zadržavaju status starog vozognog reda i bit će objavljeni na službenoj internetskoj stranici Vlade Kantona.

8. Vozni redovi iz tačke 7. ovog javnog poziva učestvovat će u postupku usklađivanja voznih redova kantonalnih autobusnih linija sa statusom starog vozognog reda u skladu s odredbama Pravilnika o kriterijima, postupku i načinu usklađivanja, registracije i ovjere voznih redova te sadržaju i načinu vođenja registra.

9. Prijevoznik nastavlja obavljati prijevoz putnika prema voznom redu koji trenutno posjeduje i koji je ovjerilo Ministarstvo privrede, do završetka postupka usklađivanja i registracije voznih redova na kantonalnim autobusnim linijama.

10. Rok za dostavu voznih redova iz tačke 1. ovog javnog poziva je 20 dana i počinje teći narednog dana od dana objave ovog javnog poziva u „Službenim novinama Srednjobosanskog kantona“.

Broj: 06-27-804/19-9

15. jula 2020:

Travnik

MINISTAR

Nisvet Hrnjić, s. r.